

新刻羣音類選

新刻羣音類選卷十二

虎林 胡氏 文會堂 校選

蟠桃記

陳搏慶壽

錦堂月花柳盈眸、韶華滿眼、叨值誕辰重遇、欲建齋
壇、與汝遙祈福祐、望雲端北斗垂光、看郊外南山送
秀、合開笑口、願玉液春浮、彩衣香透、前腔聽剖蒙說
緣由、果實蔬般般、般般幸喜俱週、趁此良辰、還須宴集
朋儔、看今朝月滿天邊、喜昨夜輝聯奎宿、合前腔
相守、晚景優遊、一堂魚水、且喜歡聲馳驟、暇日深春、

如登闌苑蓬丘、指長庚宜熾而昌、瞻南極惟仁斯壽。
合前前腔、涵宥未遂箕裘、誰家麟角、繫紱班班非朽。
古道靈椿、何須復數春秋、喜雕欄三月鶯花、看午夜
一天星斗。**合前**醉翁子、齊叩看歲歲光陰如舊、更爹
媽高堂、神清骨秀、清晝喜和氣凝春、天與閑身相共
守。**合**長日裡、且歌舞昇平、醉眠花岫。**前腔**天祐論人
生、要天長地久、願吾兒丹山彩鳳、麟兒歸囿、須究幸
心學傳家、萬古高風孰與儔。**合前**僥僥令、壽香煙滿
袖、壽酒滿金甌、但願得年年此際、人難老、看膝下兒
孫、戲彩綢。**前腔**皇圖千歲久、社稷萬年悠、但見海上

蓬萊三島近、和氣靄重樓、福永流、尾聲椿萱馥馥陰
垂覆、看花暖瑤池如繡、惟願取樂以忘憂、

王母玩桃

黃鶯兒玉質太妖嬈、問東風、賣弄嬌、暖紅香粉西施
貌、泠泠露朝、清清雨宵、一似笑顏醉臉天生巧、實堪
描、牡丹雖好、比不得這蟠桃、前腔你看風軟弄柔條、
似明妃、試舞腰、年開欲吐還如咲、紅英謾飄、香魂暗
銷、便水流、蝶怨情無了、實堪描、瓊花雖好、比不得這
蟠桃、簇御林根培厚、土覆高、近霞霄、雨露饒、雲根鑿
破、開丹竅、須知道、天台路、官通瑤島、福難消、靈臺種

德一似種蟠桃（前腔）瑤池上湧翠濤潤靈根花發早
回看枝幹參天表須知道仙家異品非凡草福難消
藍田種玉爭似種蟠桃

仙友談玄

桂枝香（終朝）眠穩何曾滾滾這些兒正是仙機且喜
得暗中精進看林泉蹊徑看林泉蹊徑隨緣有分須
知逆順話頻頻參破玄關竅須臾萬劫春（前腔）黑甜
一枕憑君久隱日長時燕子雙飛風捲處楊花作陣
看幽齋夢冷看幽齋夢冷山高日靜溪深月映話頻
頻一榻連三月逍遙幾百春（前腔）虛堂獨寢清風凜

漂、晚來時霧起重樓、明月裡香生石枕、這工夫究竟、
工夫究竟、甘津須飲、地雷欲震、話頻頻、一點中天月、
光浮萬壑春、玉胞肚、蓮花飛影、看層巒、渾如畫成、昂
頭處、勢壓終南、滿目裡香浮石徑、野花啼鳥各冥冥、
古殿雲煙鎮日晴、前腔、金睛耿耿、看三峰、常疑送迎、
到前村、水遶桃源、這洞裡高人欹枕、未能携杖遍秦
城、風月何堪到處明、尾聲、風波生怕世塗驚、屢欲尋
君訂舊盟、踪跡寥寥空自省、

洞賓問答

黃鶯兒、光色玉泠泠、滿斟來、暫解醒、傾銀注玉春香、

刺聽高談座驚看高懷灑巾酣歌不覺乾坤靜岳陽
城幾回沉醉猶喚洞庭春畫眉序猶喚洞庭春舉世
昏昏我獨醒不覺那玉山頽倒卧到黃昏慢誇他入
髓無聲也何用朱顏生暈君家若解杯中興日高一
覺生欣黃鶯兒堪羨那多情正仙姑浪得名清歌妙
舞誰能竝轉秋波水澄畫春山黛凝莫教雲雨巫山
嶺矣盈盈千嬌百媚斷送世間人畫眉序斷送世間
人繡幕香風合斷魂他不管玉肌消瘦羅襪輕盈慢
誇他一笑春回也何用片雲堆髻須教色相常清淨
陽臺路隔紅塵黃鶯兒指石化為金豈區區麗水生

天然一樣精光瑩、煉丹砂可成、在陶鎔可傾、錢山穀
海人紛競、問東君、徒誇籬滿、未勝一經貧、畫眉序未
勝一經貧、舉世方知覓利名、他只管將來作屋、貯箇
卿卿、謾誇他滿斛珠璣、也何用輕肥相稱、饒君覓得
何須逞、石崇金谷須傾、黃鶯兒飛劍落禪林、凜餘威、
泣鬼神、幾番欲洗妖魔盡、滿胸中不平、對長空訴明
等閒不許同軻政、氣英英、燈前抽劍、此恨向誰傾、畫
眉序此恨向誰傾、壯氣吹雲冷、漸生、只看爭鋒楚漢、
到底埋沉、謾誇他陸地行舟、也何用凌空舉鼎、憑河
暴虎皆亡命、蠅頭蝸角紛爭、皂羅袍堪嘆浮生何定、

聽師言如夢方醒、銜盃終是耗元貞、探花惹得朱顏
損、利須隨害、氣須殞身、這些玄妙、誰人共論、知機便
還神仙境、尾聲四字從來都不省、得訣還須仔細尋、
免走烏飛當自警、

點化珍奴

二犯傍粧臺、拂袖下青樓、萬千恩怨、渺渺付東流、一
任銀箏架倒、絃索冷、把玉簫聲弄楚天秋、願隨南岳
夫人去、不為蘇州刺史留、香消粉臉、簾控金鈎、鎖窗
人老鏡鸞收、不是路、身世浮漚、利欲驅人萬火牛、須
參透、終歸一個土饅頭、挈我赴仙遊、從教冷落章臺

撈、推倒東風燕子樓、你忙回首、赤龍軒斷無塵垢、謹
依金口、謹依金口、（木了又）六六巫山、六六巫山、悠悠
湘水、渺渺雨散雲收、桃源迷路、野草方稠、這劉郎不
如歸、收踪跡、謝妝樓、任水流花、卸馬馳車驟、象板鸞
笙休載學、罷舞袖、歛歌喉、從此宵無閑愁、看上朝金
闕、下樂丹丘、（小錯大）帶解同心、花分泣蒂、顰香閨月
冷、簾鉤、歌扇謾遮羞、舞裙上謾將風塵抖擻、遠跨青
鸞、弄玉、塵世上碌碌、咲蟬蛸、（尾聲）煙花寨、風流數、打
破直穿情竇、耻把琵琶過別舟、

道院閑談

梁州序清閑洞府靈宮道院何處晴煙不斷碧桃花
外鸞翔鳳舞盤旋只見香雲縹緲明月清風獨把鸞
經翫五千言妙處坐談玄對景無心是大還合白石
爛桑田變看鳥啼花落空成怨身世事豈須戀前腔
重樓氣合華池津滿一點光生几案秋池月冷海天
歸鶴蹁躚更有玄猿白鹿密護芝田時跨青牛轉壺
中天地老好幽閑合是班中第幾仙合前前腔向曉
來正坐幽軒見五色神光頻現喜神清氣爽虎踞龍
蟠惟有雷聲滿腹月到天心此景佳無限臨爐沐浴
也在抽添火候工夫任勉旗合前前腔還丹客自信

通玄、把八極三清遊遍、看鼎爐砂熟、氣運周全、更有
異香滿座、口內生津、與道同天限、刀圭食服也、味甘
甜、復姤陰陽要轉旋、合前節節高、清風正悄然、把道
袍、掀萬緣、放下心心念、神仙伴來世間、同遊翫、爐香
端、簡虛黃面蓬萊三島真堪羨、合任他富貴與榮華、
爭如我快活延年算、前腔雲生戶牖間、月正圓、衆星
燦爛長生殿、香浮遍、玉液鮮、來頻獻、山中歲月人清
捷、雲臺福地羣仙觀、合前尾聲、光陰過隙如飛電、閑
雲不逐清風轉、管取長春不記年、

表薦陳搏

駐馬聽巖谷春來山靜雲深月上階超然高卧客到
應稀只有鶴伴蒼苔看他紛紛野菊隔籬栽長松作
伴蒼煙外翠鶴丹崖看一簾草色如凝黛前腔道與
時乖寂寂柴門久不開他只是安眠百日一枕餘緝
甘與麋鹿為儕他與仙人碁局靜忘懷垂綸漁父同
舟載世慮沉埋把浮名脫却輕如芥權相他雖是豹
隱山崖也須索奉命暫來看天邊使差看天邊使差
鳳舞風生龍躍雲開茅屋沾榮光耀雲臺合從此後
要展奇才延英殿論興衰前腔何忍見清風久埋想
夷齊空腐草萊這一片釣臺這一片釣臺巖花零落

野鳥啾啾、鶴駕飄飄、何去何來、合前

誕孫相慶

黃鶯兒、恭喜福星臨、滿春臺、列錦裯、一堂三世誇重
慶、維嶽降申、維神降靈、福如東海流難盡、看蘭孫、鵲
眉鳳眼、知不是等閑人、前腔、恭喜祿星臨、喜天家、兩
露新牙、籤萬軸、憑收領、夔龍廟、珍伊周世臣、定將隻
手調金鼎、看蘭孫、虎頭燕頤、知不是等閑人、前腔、恭
喜壽星臨、現祥光、分外明、南山樹色交輝映、山根有
椿、松下有苓、計年恰與人相並、看蘭孫、鶴形龜息、知
不是等閑人、前腔、恭喜數尊臨、幸寒門、誕一孫、方圖

羣芳頻選（卷十二）
積善垂餘慶，祖風可乘。吾門可興，且看頭角昂昂挺。
看愚孫、冰凝玉峙，知不是等閑人。前腔、恭喜吉星臨。
愛充閭喜氣盈，長庚夢協真前定。天生俊英，人誇地
靈，犀錢錦褕，爭相慶。看蘭孫氣吞牛斗，知不是等閑
人。

共友登途

步步嬌、渺渺山光迢迢水，教點行囊趣。百折路崎嶇，
古棧連雲，長松含翠。鶴淚共猿啼，慢騰騰步入煙霞
裡。江兒水、步入煙霞裡，看落花撲面飛，紛紛飛向前
溪去。粉蝶尋香高低戲，那堪離燕，清新語，遙望重山。

重水月滿寒塘、石路飛塵空墜、園林好看柴門相傍。
看小溪、聽漁歌、幽咽處、慘悽、野曠天低雲樹、使離人
憶故知、使離人、魂暗飛、川撥棹、盼望着、皇都裡、滿征
衣、沾野絮、愁雲裡、落照依稀、疎林外、鳥韻清奇、看溪
水、環流塢西、總王維、畫不如、總王維、畫不如、嘉慶子
你看、藤蘿繞滿籬、見社酒村翁猶未歸、且喜得、橫碧
煙、疎喜得、橫碧煙、疎、晚景朦朧、路欲迷、風淡淡、露霏
霏、風淡淡、露霏霏、伍供養、鴉歸晚樹、點點漁燈、古岸
方微、心忙招野渡、猶覺路嫌遲、花村犬吠、眼睜睜、趕
過、曲澗橋西、石嵐欹老樹、茅屋掛招旗、溶溶綠水、護

遶柴扉、僥僥令團圓。明月夜、寂寞動鄉思、又聽得遠寺鍾聲頻聒耳。好夢難成，也不如挑燈再賦詩。尾聲。吾只為攀仙桂，背井離鄉來到此。那齊江山千萬里。

瓊林賜宴

梁州序 功名合早、文衡增重、黃榜光浮墨湧。泥金報帖、親庭喜溢融融。便有董生對策、袁固談經、不與同伯仲。風雲今際會、荷遭逢、忠孝相期報九重。合平地裏、笙歌開有樓臺縹緲。人爭擁、文運轉、應麟鳳。前腔曲江集宴。彩箋題詠，聲價今朝益重。春風雷震神龍頭，角崢嶸、只見旌旗夾道，駢驥爭先。十里花香送滿筵。

斟御酒、露華濃、不覺徐徐上臉紅。（合前）前腔看滿園
瑞氣匆匆、見玉液香浮銀甕、喜顰頭得雨、驥足生風。
更有文星相聚、雅俊登庸、出入同鞍轡、龍樓得意也。
好英雄、始信青雲有路通。（合前）前腔幸吾曹隨步蟾
宮、看濟濟叨陪仙從、喜鯤鵬脫跡、星斗羅胸、還許夜
光無價、歐冶初鑄、一出人偏重、藍袍脫却也、竭丹衷
不負如今簡拔功。（合前）節節高宮袍、泥露濃、看月輪
中、一枝仙桂人爭弄、香風動、花影重、頻疑夢、仰瞻天
表期歌頌、廟堂異日皆梁棟、明朝準擬謝君恩、何須
內侍傳供奉、金錢花、羽林冠、蓋雍容、雍容馬蹄得意

任恂、倥恂、辭白屋、上蒼穹、新拜命、好輸忠、圖報處、播
仁風、（尾聲）禮闈春榜龍光動、看五百青錢叨中、從此
親庭快晚榮

輸納買山

畫眉序（斜）日綠楊梢、萬紫千紅鬪春巧、看飛花片片、
芳草搖搖、堪觀處、翠靄凝眸、晚來看山高、月小、深深
寒谷無人處、止許那陽和先早、（前腔）露井隔溪橋、綠
樹陰陰漸紅少、看風飄荇帶、雨濕櫻桃、堪聽處、噪柳
新蟬、歸唱裡、穿溪短棹、幾回燕坐、心如水平、惟有那高
人清笑、（前腔）風景自蕭條、冷落巫山漸雲杳、看鴉歸

暝樹鴈沒寒潮堪羨處明月清風滿目裡白蘋紅蓼夜
來萬籟無聲處惟聽著寒蛩頻叫前腔雲合土凝膏
零落梅花尚春小看煙埋古樹雪壓峰高堪賞處臘
酒浮香須記取山空木杪却憐風定棲枝鳥猶帶斜
陽餘照滴溜子臣欽奉臣欽奉內家明詔今日裡今
日裡何須計較萬鎰黃金不少傾携助聖朝輶車載
道明日歸期萬里迢迢天和佛百萬貔貅氣正豪供
需豈憚勞靈丹無價應是福星招兩利在今朝猛拚
取荷負先趨給餉處雙聲子皇華使皇華使隱隱出
華山道給餉處給餉處四路裡人歡笑天顏好天顏

好降褒詔降褒詔看日邊雙節飛下雲霄尾聲願將
百萬供諸道內帑何須更轉漕管取他日功成青史
標

蟠桃慶會

浪淘沙長笑海天高膽氣麤豪朝遊碧落暮青霄一
粒粟中藏世界爛醉逍遙前腔柏葉與松苗和土齊
挑十洲三島任遊遨明月清風隨地有麋鹿相邀前
腔石畔筍舒梢疎影蕭蕭薄羅衫袂怯春嬌夢裡不
知身是客笑語忉忉前腔莫去倚危橋月映寒潮來
時咫尺去時遙流水落花春盡也脂褪鉛消前腔仙

侶夜相邀約在今朝布袍草履皂麻絛不染紅塵堆
裡事止喜蟠桃前腔道海寶難消地久天遙神仙世
界豈堪描白髮老翁頭骨峻光徹雲霄前腔身騎紫
鸞翔手捧蟠桃清虛世界儘逍遙鷄犬不聞人跡少
鶴舞松梢前腔恩寵最難消覆轍相招五侯七貴世
凌霄轉眼不知何處是泡影風飄

餘慶記 胡全菴編

壽祝椿萱

錦堂月 儲薦南山酒傾北海堂前共祈華誕娛舞斑
衣肯辜一春榮豔惟願取五福完成常只是百年康

健合瑤池宴看取鸞鶴齊飛笙歌同勸前腔懼忤骨
肉團圓祥光瑞氣靄然偏照華筵瓊草琪花紛然親
友爭獻惟願取萬壽無彊誰道是一生有限合前前
腔前腔酒裡花前紅塵紫陌何必苦相羈絆百歲千
秋幾曾得免黃泉惟願取二子登庸早遂我雙親加
顯合前前腔難挽綠髮青年童顏鶴髮不復世間常
見積德存仁安居惟聽蒼天惟願取一室雍和何必
要千金盈滿合前醉翁子堪嘆人世上幾番更變謝
天地洪恩四時無難逍遙聽燕語鶯啼兩兩都從花
裡閑合都不管任雉化靈龍海變桑田前腔堪羨雲

端裡仙童頻見，都只為來祈壽年千萬。休厭便醉倒，
蒼叢好似蓬萊快活仙。（合前）僥僥令高歌按檀板，狂
舞落金蟬。但見一陣東風催花蕊，心下頓憂然。且莫
看。（前腔）爹娘常善飯，手足永同眠。似此天倫誰更有，
惟我得兼全。豈不歡。（尾聲）年華瞬息如流電，休把青
春送斷。便秉燭遨遊，何憚難。

家園賞春

惜奴嬌。芳草嬌花，為爭春色。園囿倍榮華，真個是一
刻春宵無價。尤佳。浪蝶狂蜂，棲止翩遷，一如無暇。（合）
堪誇。似這等好風光，休把酒盃擔閣。（前腔）誰家笙管

啞啞喜融和日影碧琅玕下春衫大偏趁東風飄掛
歡樂錦繡成林茵褥盈堦洛陽輸却黑麻序青蛙酒
力難加且殷勤執盞共酬爹媽況春光可意鳥啼花
發嘆却光陰真瞬霎痛飲未為差合莫嗟呀明朝未
辨陰陽今日且寬意馬前腔繁華四季難加感爹娘
招賞繡工權罷美園亭開遍牡丹芍藥無瑕縱然是
人顏俊美怎如花萼合前錦衣查酒席斜花棚下酒
味佳花枝壓歌管樓臺鞦韆院落紛紛粉蝶過鄰家
却疑春色盡屬遙邈怕青皇無主故相教風雨淫惡
豔麗融和景番成消索那時自有許多恨殺聚水金

羨三春丹青難畫、無數盞臉頰流霞、酒闌日影落窻
紗、瞬息林間、聞噪歸鴉、且停止、鞦韆架、明朝莫負花
前酌、香風送、香風送、閨人回閣、休秉燭、休秉燭、恐驚
花、尾聲、光陰有限、須行樂、不日又將炎夏、但恨無由
留住他、

洞房花燭

畫眉序、堂上喜初濃、結髮須交恩義重、念老夫一似
殘燭、隨風、娶兒婦、繼紹先宗、非自己期圖供奉、合歡
來不似今宵也、拚放得酒量寬洪、前腔、門結綵球紅、幸
喜家門習鸞鳳、羨齊眉舉案、孟與梁、鴻婦人家四德

三從男兒漢五倫八重合前前腔笙管畫筵中聽取
歡聲從地動願百年諧老如栢如松何必效裴子奇
逢羞殺那裏王魂夢合前前腔盃盞合方終頓使人
心起愁恐想形容既陋針指非工只怕是甘旨難供
還愧着室家無用合前滴溜子年老矣年老矣窮形
瘦躬喜二子喜二子武楊文誦願作國家梁棟再願
夫婦和兒璋早弄期取生前加大封大和佛酩酊
酣酒氣冲櫟做媽兒瘋顛頭拍手自覺臉皮紅不惜
飲千鍾那裡許春色夜來眼朦朧那裡許春色夜來
眼朦朧前腔花紅羊酒須當送須知此德四時蒙鸞

衾鳳枕、香氣暖羅叢、安置莫從容、管睡到紅日三竿
花影重、管睡到紅日三竿、花影重、**雙聲子**、多歡樂、多
歡樂、筵席散、笙歌擁、團圓處、團圓處、燈燭引、歸房洞、
夫和婦、夫和婦、姑與公、姑與公、願家門、骨肉和睦雍、
雍、**尾聲**、良緣信是前生種、感謝皇天恩德隆、看明年
管取浴兒童、

科場鏖戰

黃鶯兒、惻隱擴然包、救孩提、非納交、殺身成此方為
妙、顛沛肯拋、造次肯拋、克已復禮歸斯道、要非遙、為
之由已、不讓與師曹、**前腔**、大道卓然高、與氣配、無所

撓舍生相取為吾要富貴以交貧賤以交從兄敬長
皆由造識根苗發來羞惡正路忍相拋前腔辭讓是
其苗想何須玉帛交三千儀矩當知曉比義又高較
樂又高直而無此真為絞慢推猷以和以敬方是得
其條前腔知日合成腰道聰明此字招僧家取諦也
常常叫愚痴不照默呆不照只有孫龐鬪處十分妙
更蹊蹊不知何事反是賊人高前腔人伴與言交吃
他時命不饒燈前一紙家書到不誠寔的沒了欠公
道的沒了惟有我區區篤寔常相保莫相嘲去年一
事直約到今朝

深閨幽思

四朝元、衷腸悵快、何時得見郎、想山遙水遠、鴈杳魚茫、寧
保身無恙、好朝思暮想、好朝思暮想、不覺柳腰成捻、綠髮
堆霜、寂寞空庭、滿條羅幌、辜却青年望、奈不由我不悲
傷、鳳友鸞交、何日重歡暢、奴身已斷腸、君心應久曠、
君如頓忘、思思切切、都成虛枉、都成虛枉、前腔、心神
飛恍、何時得見郎、嘆良宵美景、月皎花香、盡是無情
況、幸姑嫜無恙、幸姑嫜無恙、且自調和甘旨、襯副衣
裳、無限恓惶、許多勉強、身體知羸胖、奈頓教我淚滂
沆、兩字名兒、未必標金榜、空教散一場、徒勞費千想、

君如顯揚忙忙汲汲歸鄉隨唱歸鄉隨唱前腔倚閭
相望何時得見郎恨緣慳命蹇地老天荒此際多惆悵
似癡呆形狀似痴呆形狀終日忘食廢寢屈指經腸
鳥語花妍蜂喧蝶嚷豈可心飄蕩緊須是要守綱常
孝婦賢妻誰個無誇獎青年少主張紅樓易牽鄉君
如憶鄉長長又信音疎曠前腔信音疎曠前腔光陰難
創何時得見郎怪影中成隻夢裡成雙都是傷心帳
對誰人談講對誰人談講那裡是蘭香蕙盛地久天
長割斷新婚留連戾將家國都拋樣緊你那裡好風
光目盼心思時刻何曾放何時拜畫堂無由共歡賞

君如審詳、迷迷戀戀、他方安享、他方安享、尾聲當初
何事輕拋樣、今欲相逢難上、若要寬懷殊返鄉

賜宴瓊林

念奴嬌序、鰲頭獨占、把三千秀士、輕他腹內、文才十
載寒窗、勤苦讀、今朝方得爭輝、休怪賢聖經書、朝廷
學校、何曾肯把人辜害、合恍疑是身居天府、人在瑤臺、
前腔、幾載馬馳鋒快、喜今日虎榜高標、重蒙天愛、耀
武揚威、還要把姓顯名揚、四海寧耐、膝下情疎、高堂
年老、錦衣歸去、莫多捱、合前、前腔、丰采、頭上高插錦
花影、臨盃底、何人得似這情懷、袍袖大都是宮樣新

裁冠蓋、壯志軒昂、風情舒暢、杏花一色都嬌態。合前
前腔諒揣喜聖上得人、素餐尸位、臣職豈當該、各宜
要報取今日高魁、豪邁、孔孟文宗、孫吳兵法、大家都
是棟梁材。合前古輪臺玳筵開、風流學士共傳盃、開
喧笙管多連再、何妨酒債、願文武和諧、忠佞事也須
勸戒、兩兩三三、杏園吟賽、想公侯本是沒根栽、莫教
自敗、須把姓名、勒在碑牌、天光將暮、金蓮須送、青驄
須待、賜宴與遊街、那愁嚴衛多拘碍。前腔開懷、那管
月碎與花埋、都且是酌酒簪花、共樂清泰、翰館文臺
處處可掃清、毋怠、多少老幼人民觀看、遂使天下人

心勤講解、酒闌人懶、各倩人端整。差至皇恩重大、須
朝北闕、頻頻酬拜。此際果榮哉、但愿君臣洽、山河社
稷滅塵埃。（尾聲）笙歌擁燈火排、我這裡乘醉回歸還
自在、却笑他失第儒生旅邸哀。

賞夏得捷

梁州序、青皇罷職、祝融承管、又早火旗焰焰、恍疑人
在、紅薪烈炭爐間、幾得金風興發、為我掃除炎患、休
憂遍、無私天地自週旋、偷得涼亭半日閒。（合）消晝永、
遣人倦、且披襟散髮臨波面、冰雪處有誰占、（前腔）柳
條垂影、槐枝遮暗、庭畔綠陰鋪滿、炎威潛避、清風旋

轉冷然何必蒲葵虛自扇聽鳴蟬好一似相酬勸飄
然懷抱爽消香汗願得時時對景閑合前前腔看碧
波開遍紅蓮見玉砌鋪成湘簾聽棋聲剝剝把南柯
敲斷喬鶯引子紫燕呼雛羸得添愁怨兒郎何處去
不回還羞殺斑衣許久閑合前前腔霎時間靄靄雲
煙頃刻際轟轟雷電想此時便是冰山雪檻荷香噴
鼻柳色侵人難把千金換雖然同夏景各一天幾得
功名身外閑合前節節高菱歌何處喧入華筵教人
頓起行途嘆休閑管且放寬行懽懽碧筒呼酒偏遲
慢竹爐烹茗真佳便合恍疑身在水晶宮不覺精神

頓寧健、前腔紗厨月影圓、景多般、流螢幾度來庭院、
奏笙板、噴麝蘭、催籌箭、想應都是風流宴、殷勤光景
多留戀、合前尾聲、沉灰浮李筵、鋪遍、把蘭湯慢自焚、
燃、那裡管海沸山崩、暑氣難、

邊陲戰捷

普天樂、扯旌旗、掛甲冑、列刀鎗、排隊偶、休差謬、休差
謬、有勇須謀、把威風振作貔貅、合呀、管掃除強寇、功名
貫斗牛、分付三軍、竭力、竭力、覓取封侯、北朝天子、把
都兒似水流、打竦酥、且應候、開轟轟、鞞鼓喧宇宙、人
強馬壯、把精神抖搜、殺奔前、休落後、便班超、怎休便、

蘇武要囚、滴滴溜滴滴溜、起風塵奪財砍頭奪
財砍頭、管甚麼求和救、管甚麼求和救、晉天樂怪胡
夷腥臊臭、望神天陰冥祐、爭和鬪爭和鬪、誰肯干休
凱歌聲不日相謳、合前北朝天子打圍兒、免鹿遊殺
陣兒、勇力稠密、挨挨劍戟排左右、橫行直撞有誰人
敢勾、實歡娛、真強茂、想匈奴我儔、想幽燕我州、好好
羞好羞、好好羞、把城門鐵門石轆、鐵門石轆、那邊官
真卑陋、那邊官、真卑陋、晉天樂離吳都來燕岫、歷艱
危、操休咎、功成就、功成就、方得回頭、且寬心、莫自搜
求、合前北朝天子胡聲兒亂咻、胡馬兒亂走、揮棚棚

且把琵琶奏、心胸胆大、要中原服投、做高邦、為元首、
與華邦結仇、羨夷邦禮週、莫莫憂、莫莫憂、莫莫憂、想中
原無人可構、無人可構、且顛頭、頻拍手、且顛頭、頻拍
手、普天樂、少年征、老將守、力須加、眉休皺、觀胡狗、觀
胡狗、出沒優游、且和他決個鸞鳩、合前

懷女悲秋

新水令、光陰迅速、又深秋、好交人、裏腸如剖、枕邊人
出外州、掌中珠不在手、珠淚交流、珠淚交流、骨肉每
幾能成就、步步嬌、送女歸來、忙奔走、又早秋時候、西
風鐵馬吹、落月孤形瘦、他因名利多馳驟、我為義和

恩也將這塵土來消受、折桂金洗塵醪滿泛金甌、途
路艱難、客館憂愁、也只為骨肉遨遊、女孩兒未知安
否、好交娘終日凝眸、可憐他隨鎮胡囚、好沒來由、倘
有蹉跎軍情、我孩兒一命休休、江兒水休得多胡想、
莫妄愁、他英雄肯落他人後、他聲名肯把鑑網朽、雙
富貴皆非謬、料是怨心無有、不負辛勞、最喜安然
白首鴈兒落幾時得問吾安、解俺憂、幾時得整衣裳、
觀針繡、幾時得似前番共賞春、幾時得到後歲重祈
壽、幾時得性情歡、叫慈母、幾時得閨闥內喚了頭、幾
時得成就天倫樂、幾時得回返故鄉、垵休要相逢不

能勾若要解憂也麼愁、可除非母女綢繆（僥僥令懸
憶悲哀莫自求、對美酒可優游、死別生離何足嘆、信
是命中來、難解救、命中來、難解救（收江南）呀、早知道有
却今日呵、到不如不生休、縱生不若贅夫儔、何須瑣
瑣嫁王侯、只落得傷人情實、你待要勸丟、叫俺怎生
丟（園林好）實非吾性情不投、又非吾衷腸不謀、但是
嫁鷄須守、豈可使背夫流、豈可使背夫流（沽美酒）鴈
哀哀過小樓、蛩唧唧在牀頭、助俺相思不自由、有其
意、聽歌謳、有甚意、斟香酒、悶殺人寒砧亂奏、苦殺人
西風穿透、我呵、鎮朝昏粗搜細搜、腸抽肉抽、呀、猛傷

情把雙蛾攢皺、清江引、筵前空有餽相侑、只是思情厚、何時故國歸、一戀他鄉久、也須知大家們同宇宙、
百順記

王曾祝壽

錦堂月、黃菊舒金、丹楓剪錦、秋高氣清時候、風度闌干、香飄綺筵堪嗅、笑春光、堯季爭妍、娛晚節、冰霜操守、
合齊歡偶、願歲歲登高、一盃奠酒、前腔重九美景、當酌嬌黃嫩白、恐對花貌成羞、風外柔枝、嫵娜似歌衫袖、
與堦前蘭桂齊芳、應堂上椿萱同茂、合前、前腔、回首歲月難留、盈簪白髮、把鏡自愧衰朽、共老林丘

喜孩兒獨奮高秋、且休貪菴杏風光、急早向康衢馳驟。
合前 **前腔** 知否、此福前修、雙雙偕老、喜媳婦淑賢嬌幼、一室團圓、說甚麼萬里封侯、但得你彩服承顏、勝似他黃金懸肘。
合前 **醉翁子** 窮究、那大禹惜清陰、白晝肯盡虎無成、反貽人醜、今後展八斗才華、摧破虱烟天上樓。
合 開笑口、揀飲到日落簷牙、月上簾鉤、**前腔** 聽剖、看年少掇科今古有、似他順父母顏情、曾閑也堪同儔、這是天祐成就、做了名節雙全賢者流。
合前 **僥僥令** 黃鷄肥入饌、白酒煖盈甌、看古往今來、只如此、又何必向牛山溢淚眸。
前腔 鴉啼秋色慘、螢

聲音頻選非
度夜光浮玉露生寒堦草濕倚這裡愛清宵秉燭遊
尾聲光陰一去應難又且笑折秋香滿手只恐明月
西風蝶也愁

王曾謁妓

一江風畫寥寥悶把雕欄靠簷外寒尤峭楚天遙雪
亂雲橫筆底知多少含愁粉易彫含愁粉易彫牽情
魂暗銷隔簾兒又恐怕毒花笑

梁州序門閒塵靜簾虛風凜雪滿空堦小院寂寥時
候雙繩冷落鞦韆忽報高車過我蓬華生輝一笑開
佳宴喜看君似玉正芳年選中青青第一錢合楊柳

態、飛花面、愛春纖、謾把紅牙按。歌未歇、酒頻勸。
前腔天台春近、巫山雲歛、得遇傾城嬌艷。煙籠翠髻、瑤簪
半壓金蟬。默地眼波含笑，眉黛生春情思如留戀。今
人心似醉，口難言，欲贈揚州十萬錢。
合前前腔把玉壺綠醕重添，向寶鼎還燒香篆。況佳人才子，世間難
見，須信人生似寄，光景無多，莫遣盃中淺。青樓歡會
處，興陶然，拚取床頭沽酒錢。
合前前腔擁紅爐，竟不知寒。翠鬟依貂裘輕煖，聽風前落木，亂鴉啼晚。只見
臺燒銀蠟，酒盡金樽，猶自貪歡忺。美入清麗色，實堪
憐。肯惜囊餘買笑錢。
合前前腔畫冰花亂撲簾，把繡

裙沾輕輕拂下瓊千點、迷歌扇、翻舞筵、真堪羨、長空
鳥影都飛斷、穿窻入戶、隨風旋、合只恐東方日出時、
化成春水流花片、前腔梅花幾樹妍、暗香傳、依依疎
影橫窻見、偎香臉、倚玉肩、渾忘倦、譙樓一任更籌換、
愛樓臺到處銀粧遍、合前尾聲錦韉蹀躞堪追電、縱
迷路能尋回轉、不羨山陰訪戴船、

衆友登途

朝元歌、山長水長、旅次無情況、花香草香、春色供惆
悵、祇為蝸名、反違烏養、萬斛愁堆馬上、回首咸陽拜
州信、知非故鄉、路柳挽行裝、林花笑客忙、合心兒悵

快幾時得鳳城入望鳳城入望（前腔）風煖征衫輕漾
瀟瀟客異方景物露春粧楊柳村居杏花門巷轉過
平原野壩聽鳥語悠揚令人幾回空斷腸綠水遠橫
塘青山半入牆（合前）（前腔）幾簇人家相向青青樹兩
行茅屋甚淒涼古渡橫舟斷磯停網滿目風塵思想
故土家邦離懷自憐多感傷十載困螢囊何年作鳳
翔（合前）（前腔）為應朝廷春榜携書涉大江翹首望金
闕樹擁山遮霧迷煙障自信平生豪放劍氣光芒此
行管教登廟廊落日帶雲黃和風趁蝶狂（合前）

妻憶王曾

二犯傷粧臺無語捲疎簾鎖窓蕭索春事又闌珊見
紅苑花飛盡聽綠樹鳥啼殘韶光轉眼過三月情思
關心隔萬山合金錢常卜繡襦懶穿幾迴腸斷晚粧
前前腔藁砧一自去長安翠銷雙鈿香冷落梅鈿空
倚着危樓望空對着短檠眠鵬程固展雙翰快我鸞
鏡誰憐獨影寒合前金衣公子芳砌草芊芊恨東風
不見憐等閒吹落紅千點惜殘葩自拈折殘枝慢撚
嘆天涯春盡離人遠合問蒼天玉郎何日含笑錦衣
旋前腔風動翠裙掀步行來腰力軟印苔堦自愛弓
鞋淺見爐沉篆烟聽簷鶻噪喧我痴心尤望飛紅便

〔合前〕憶多嬌、真可憐、春暮天、舞絮遊絲亂、滾綿、始信
春歸在客先。〔合〕美滿姻緣、美滿姻緣、離恨牽連一天。
〔前腔〕顰玉肩、情思慊、撫景懷人、欲倚欄、暗把芳心托
杜鵑。〔合前〕

楊相贅曾

好事近、春色滿華堂、一派笙歌嘹亮、接天喬木、女羅
何、幸相傍、姻緣定取、到如今、休得相謙讓、趁良宵、花
燭交輝、合卺盃、且斟佳釀。〔前腔〕飄揚衫袖惹餘香、偏
稱着王佩金環、聲響含羞、俛首、逐蕭史、把鳳臺同上。
即才女貌兩相宜、結髮偕歡賞、一個守四德、青閨一

個占三元黃榜、千秋歲、藝奇香、寶鴨煙飛處、一縷縷
細穿簾幌、玳瑁筵前、向玳瑁筵前、只願你百年夫妻
和暢、巫山近、春雲盡、鮫綃帕、芙蓉帳、被擁桃花浪、看
青鸞彩鳳、花底頡頏、前腔、細端詳、他粉臉兒紅潮漲
端的是金屋堪藏、推整雲鬟、宛如桂闕、仙姬謫降、珠
簾外、明月上、錦屏內、香風蕩、幾度羞相向、怪侍兒近
人、高照銀缸、越恁好、娘行此夕、娘行此夕、勝藍橋、遇
裴航、相公拈彩筆、描翠黛、效張敞、兩歡娛、久長、兩歡
娛、久長、暖溶溶、向藍田玉、一雙對、青天、保祈、早願得
玉燕兒、夢裡飛揚、春雨後、石砌中、看取蘭芽長、愛赤

繩綿軟、繫人千文、前腔鳳笙連画鼓、鳳笙連画鼓、開
攘攘錦繡場、見門楣彩毬來往、隨風漾、進瑤觥、聽纖
歌遶梁、纖歌遶梁、齊喝彩、道梁鴻配了孟光、勝朱陳
兩村、看紅絲亂紛紛、牽着綠窗、歡聲溢、喜氣揚、檻外
星明朗、縱千金難買、夜佳況、紅繡鞋、遙天月轉西廊、
西廊花枝影、照東牆、東牆盃酒煖、鬱金香、沉醉處、覺
徜徉、頓忘却是他鄉、前腔擺紗籠、一路成行、成行、送
瑤臺淑女仙、即仙、即移玉趾、振瓊璫、歸画閣、入蘭房、
誇坦腹、羨東床、尾聲人間勝境如天上、真個是婦隨
夫唱、願似連理高枝接大荒、

王曾得子

畫眉序 晴日正瞳瞳，瑞氣祥煙，藹簾籠。荷皇天寵賜，
一子承宗，縱休誇佳兆，為熊尤幸，似明珠生蚌。合酒
孟齊向花前醉，相期福壽無窮。前腔華屋產人龍，
孔釋雲中親抱送，喜鄰家習習，盡遠香風，應知是逐電
神駒，端不讓朝陽鳴鳳。合前前腔白髮半衰翁，添此
蘭孫實珍重，待他年長大，為我扶筇，雖不慕五桂齊
芳，且自把三槐深種。合前前腔簫鼓震雕甍，慶喜花
枝亂遮擁，賀麒麟一夕，飛下天宮。朱扉外，弧矢高懸，
繡幕中，珪璋歡弄。合前滴溜子銀壺瀉，銀壺瀉，珍珠

色紅瓊卮泛、瓊卮泛、綠蟻浮動、大家齊聲歡哄、千金
此立名、絕勝晁董、願取他年、拂袖登庸、鮑老催清標
美容、雙眸宛若秋水籠、啼聲試聽、潤且宏、壯乾坤勝
瑚璉、真梁棟、食牛氣已驚人、衆文章擬步白玉堂、聲
名預卜黃金甕、滴滴金、雕盤湯餅庖厨貢、玉碗瓊漿
慢傳送、纖歌飛起行雲過、紫衣人能承奉、歡聲相共
燃香盡把南山頌、南山頌、綿綿瓜瓞根深地迥、鮑老
催庭花影重、幽香萬斛飄午風、人間樂事、天意從鳳
凰棲、鵲鷺班蓬萊洞、垂髫定許皇家用、誇富貴、推尊
重、應不羨、長庚夢、雙聲子、笙歌縱、笙歌縱、似百鳥、花

間咲、盃竿充、盃竿充、勝三峽、尊前湧、歌未終、歌未終、
棲鴉、兀、棲鴉、兀、把金荷、絳蠟、高照、玲瓏、尾聲、浴麟宴、
罷歸人、擁醉、挹絲韁、跨玉驄、笑別、風前、落照、紅、

漁樵答曾

剗鋤兒、得魚、網向沙頭、晒、柳條、穿了、上長街、賣錢、償、
酒債、無愁、繫懷、江鷗、不猜、江雲、不碍、任取、人間、桑田、
變海、前腔、高峰、十里、攢青、黛、穿雲、兩隻、舊、芒鞋、伐木、
誰能、賽、把牛山、劈開、黃精、可喂、青蘿、可採、笑殺、人情、
朝更暮改、

駐雲飛、宦海、堪哀、尤勝、風波、日幾迴、富貴、如雲、藹、公、

論惟天在、紫縱使列雲階、有成有敗、爭似漁翁、寄跡
煙霞外、笑指澄江碧似苔、前腔放蕩形骸、拙計平生
只打柴、茅屋雲中矮、鋼斧腰間快、紫箬笠趁風歪、金
章不愛、聽說閑非、惹得心兒怪、山水茫茫歸去來、

丁謂翫賞

惜奴嬌幾樹芳妍、喜春風一夜、盡教開遍、名園內、逞
盡萬般嬌艷、堪憐霞釀日烘、枝枝渾似、胭脂深染、爭
鮮、又疑是巧花奴、細把絳羅重剪、聞寶蟾無言、醉倚
風前、弄輕盈飛上、美人嬌面、更馳名楚館、占雪兒歌
扇、留戀天姿迎几席、香風撲欄杆、送芳年、廝混那有

情蜂蝶斷腸鶯燕錦衣香錦鋪交玄都觀彩粧成河
陽縣爛熳芳菲武陵溪澗花陰勾引問津船蓬壺浪
說結實三千向天台深處聞妖嬈曾迷劉阮助多少
閨情起古今宮怨遊人爲爾春衣盡典漿水令霎時
間雨催風捲頓番成恨惹愁牽東君收去景無邊萬
點殘紅顛倒苔蘚空寂寞閒庭院遊絲兀自牽一片
西郊觀西郊觀車輪香軟長安逐長安逐馬足踰驄
尾聲嫣然對酒如相勸似惜光陰荏苒不飲還愁笑
我偏

王繹打圍

晉天樂碧雲飛、新涼好、玉霜清、凋衰草、疎林外、疎林
外、葉舞金飈、頓令人秋興飄飄。合呀、愛山迴水遶、旌
千列、九霄馬、稱歡聲、蹀躞蹀躞、遊遍西郊。北朝天子
把青鬃馬鞭、把金鈴犬牽、圍攘攘、過幾座荒村店、齊
聲兒、吶喊、震冥冥、遠天水波翻、山峯撼、看清溪這邊、
見垂楊前岸、那舞煙撲煙、還走煙、鳥驚飛、山猿奔竄、
山猿奔竄、起紅塵、遮人面、起紅塵、遮人面。晉天樂水
痕清、楓林悄、樹陰濃、柴門小、舟橫在、舟橫在、野渡平
橋、乍驚人、村犬吠、呖呖。合前北朝天子蒼鷹兒貼貼飛、
細犬兒緊緊隨、把弓刀盡向腰間佩、更張羅設網、喜

西風打圍、馬成羣、人成隊、響簌簌、鼓聲蕩、搖搖旌旆、
喊一回、開回、還走回、爭蹌蹌、虎狼爭避、虎狼爭避、度
高山、跋流水、度高山、跋流水、普天樂、柳陰中、漁人釣
粉牆、西村姑笑、林臯外、霧染煙描、聽傷秋、敗
葉鳴蜩、合前、壯朝天子、又傷了、九尾狐、箭穿了、獨足
烏、鵲番身捉住了、能跑兔、連聲兒、喝采、綴繒裏、亂呼
鹿和獐、麋和鹿、入迢迢、路途擁、齊齊童僕、緊着、逐慢
逐、還遠逐、馬頻嘶、人能行步、人能行步、不愁他、前村
暮、不愁他、前村暮、普天樂、鳥爭巢、羣聲噪、日銜山、餘
輝照、嵐光映、嵐光映、花簇、緋袍、挽絲鞭、把金鐙、頻敲、

合前

父子榮歸

石榴花錦堂開宴、骨肉慶團圓、朱戶啓、繡裘懸、嗟峨
寶鼎吐龍涎、列輕盈十二花鈿、倒金壺湧泉、喜椿萱
白髮同康健、受明君紫誥今朝、勝裴公綠野當年、前
腔珠簾高捲、赤日正中天、浮瑞靄、繞祥煙、風飄舞袖
兩翩躚、趁當場簫鼓闌喧、信人生有緣、一門見文武
雙魁選、看宗枝三代芳榮、更瓜瓞五福延綿、泣顏回
三秀茁堦前、喜摘來報我華筵、笑經老眼頓覺清興
飄然、想逍遙地仙、茹靈根盡得昇霄漢、且休誇劍起

豐城說甚麼玉種藍田（前腔）玉趾步金蓮捧瑤觴遠
膝爭先雙雙相勸聚天倫樂事無邊聽蒼頭小鬟報
東山月上雲間歛綺席將翠釜重添銀燭把翠荷高
點（尾聲）旌賢御墨爭先顯拚飲到漏沉更斷一任闌
干花影轉

桃園記

關斬貂蟬

耍孩兒挑燈夜閱春秋傳挑燈夜閱春秋傳把往事
傷嗟轉幾迴圖王霸業皆堪羨昨朝吳國方為越昨
朝吳國方為越笑明日韓邦又屬燕桑田滄海多更

變纔能穀炎劉一統承傳得四百餘年、(前腔)嘆三朝國步艱、歎連年、黎庶遷天、灾地害侵靈獻、賢良黨錮危方免、賢良黨錮危方免、狐兔黃巾毒蔓延、處處遭塗炭、纔除了狂謀董卓、又生出奸佞曹瞞、(前腔)照良宵、何恁圓、吐清輝、何潔然、他在廣寒深處清虛殿、歡娛曾照南樓宴、歡娛曾照南樓宴、寂寞長遭晦蝕纏、嫦娥獨宿無人伴、正好向閑亭佇立、猛可的想起貂蟬、(前腔)關侯將令傳、學宮粧寶髻偏想他孤幃寂寞思姻眷、今宵洞房春意十分滿、今宵洞房春意十分滿、魚水恩情另意歡、這番是到元于飛願、學一箇溫

存幫襯、柔聲氣、伏首堦前。（前腔）嘆遭逢、離亂年、痛鄉邦、盡播遷。一家骨肉皆星散、三年失侶空悲怨。三年失侶空悲怨、幸遇亡夫呂奉先。又苦被梁王賺、到今日方披雲霧、得覩青天。（前腔）看貂蟬、佞舌便論英雄、誰數先。誰人慣馬能征戰、誰居帷幄能籌筭。誰居帷幄能籌筭、誰箇當鋒敢向前。你為我言一遍、只許你直言無隱、不許你巧語花言。（前腔）念奴家、尚幼年、不能知、古聖賢、只聞得今人幾箇能征戰。三位將軍是英雄漢、劉關張是英雄漢、那數無名呂奉先。他跟脚、由來賤、他只是馬前走卒、怎上得虎部名班。（前腔）你

今日棄溫侯、來近關、倘或你棄咱、每又近那邊、迎新
又要將咱貶惱、得我渾身骨肉兢兢戰、氣滿胸堂、口
吐烟、罵你箇真潑賤、也是你前生注定、這災危難免
目前、滾崑鋸賽過吹毛劍、崑鋸賽過吹毛劍、出鞘離
匣、龍吐涎、穆龍曾鑄金鑾殿、治家邦、伐佞除奸、天下
何由三尺取、天下何由三尺取、就裏隄防四海傳、曾
把白蛇斬、在朝內誅姦除佞、向關外掃滅狼煙、前腔
此劍在我手內提、要在你貂蟬領下懸、也是你前生
注定、今生限你、就江邊別楚虞姬女、教你目下堪將
命、染泉教你目下堪將命、染泉、你今日休埋怨、只為

你花嬌美貌、惱得入怒髮沖冠、前腔我腰一捻、氣運
旋、他體十圍、轉動堅、既令妾把銀缸、剪千言萬語生
機、變千言萬語生機、變兩次三番、怕向前、這苦是、知難
免、若要他心回意轉、除非是地反天旋、前腔明星晃
劍離匣、色輝輝、龍吐涎、喙嘟嘟、鮮血如紅茜、嘶唧唧
扯動連環响、赤律律、油頭落粉肩、透酥香、染羅衣、遍
你看他、雙眼睜、合閉、一身倒在堦前、煞尾今朝除
却身邊患、不枉了漢末英雄史記傳、免使侑人談笑
俺、

五夜秉燭

綿搭絮當時貧守在衡門淡飯黃齏早晚夫妻辛與
勤守清貧無事關心今日功成名就指望列鼎重裯
誰想地塌天崩婦北夫南絕信音（前腔）二更清冷指
望盡老歡忻誰想四下干戈虎鬪龍爭不顧身逞豪
英各要建立功勳誰想天不憐念反害了前程撇得
我無倚無依舉眼全無半點親（前腔）三更人靜聽得
哭聲頻思念吾兄坐想行思長淚零使人聞展轉傷
情我也不知消息教我去也無門若還打聽行藏萬
里程途必去尋（前腔）四更時候悶悶昏昏枕上燈前
淚眼愁心憶故人未知死和存使我鎮日牽縈你身

居何處、仗托誰親、閃得我冷冷清清、影隻形單、常淚
零、(前腔)五更將近、月淡星昏、霧結烟愁、夫婦東西、如
亂塵、淚雙傾、怎得骨肉相親、不知何年完聚、訴此衷
情、創立劉朝、誰想被風吹浪打萍、

獨行千里

(新水令)我在桃園結義勝同胞、想初情好、傷懷抱、無
心歸孟德、有意立劉朝、不憚千里迢迢、尋兄長、存節
孝、步步嬌、自與兒夫分拆了、一向絕音耗、家鄉萬里
遙、舉目無親、有誰相靠、空自淚珠拋、跋涉何時到、(折
桂令)纔離了猛虎狂蛟、不怕千里獨行、途路迢迢、雖

曹公待我不薄、待我不薄、還金印綬、與他水米無交、
顏良斬、文丑滅、心酬意表、刀尖挑紅錦征袍、驚呆了
欺主奸曹、唬倒了愛友張遼、非雲長乘勢過關、笑孟
坦棄甲奔逃、(江兒水)叔叔威名重、膽氣驍、關兵一戰
驚呆了、夫婦東西形相吊、幾回魂夢多顛倒、又怕前
途人擾、倘有遮攔、吉凶難料、(鴈兒落)憑着俺青龍偃
月刀、便有那柳盜跖何足道、怕甚麼十面埋伏大會
垓、就是韓信暗渡陳倉道、呀、有賊兵來犯着、殺得他
怎生逃、本待要立炎劉、誅強暴、訪吾兄、怎憚勞、你休
焦、路千里終須到、從今會哥哥、團圓直到老、會哥哥、

團圓直到老、僥僥令行行過古道、山嶺峻岩高、想念
征人今何在、未卜是何時、相見好、是何時、相見好、收
江南呀、尋遍天涯并海角、為兄長、怎心焦、便做奪關
斬將有何勞、紛紛的亂葉飄、紛紛的亂葉飄、深秋天
氣倍寂寥、園林好過平沙、重過小橋、見秋深寒枝盡
凋、空惹得離人懊惱、當此際、倍無聊、當此際、倍無聊、
沽美酒、敬哥哥、和嫂嫂、敬哥哥、和嫂嫂、關雲長、敢辭
勞、一自徐州失散了、因思刎頸交、我豈肯、頓相拋、不
得已、暫歸了曹操、見金帛、何曾忤、要賜美女、何曾歡
樂、我呵、將顏良斬了、文丑滅了、呀、歸劉氏、歸劉氏、盡

了咱一生忠孝尾聲不辭跋涉崎嶇道踏盡紅塵路
更遙方見人倫道義交

古城聚會

沽美酒你還說道不降曹還說道不降曹到如今越
氣惱受女納金多快樂將恩義頓然拋調撇得俺弟
兄每東零西落忘了俺桃園中對天盟告我呵每日
價好酒飲着笙歌兒耽着美女兒樓着這等樣快樂
呀罵你箇負義忘盟強盜鴈兒落念桃園誓比泰山
高關某心惟有天知道何須用逞氣驍聽某家分白
皂得勝令呀俺本是報國輔劉朝休看咱絕義忘恩

的盜那曾有受女納金意、斬顏文假意行公道、因不
憚辛勞、會哥哥特來到、你休也波焦、看車輛中是伊
家的皇嫂、

草廬記

甘糜遊宮

梁州序、蘭湯初試、香雲未理、菱鏡玉臺方啓、輕勻嬌
面、丁香扣滿綃衣、閑看鷺鴦並倚、笑擲花枝、驚起相
爭戲、忽聞來女伴、出幽閨、笑上蓮臺、逐和詩、合宮柳細
禽聲碎、春來不久、仍歸去、休負却賞花期、前腔龍涎
方熾、鳳幃猶蔽、獨擁鸞衾耽睡、玉奴催起、薰籠煖透、

春衣坐傍綠窓梳洗、忽聽鸚歌小、大聲聲吠、手忙心更怯、疑是主人歸、立候花陰過檻西、合前前腔與卿卿相候移時、携素手同回閨闥、看金徽玉映、翠繞珠圍、自愧今生遭際、一介裾釵、可謂身極貴、願夫成帝業、立王基、贊羽人瞻舊漢儀、合前前腔漢春秋四百常規、劉世界萬年恒地、願皇圖鞏固、子孫克繼、早使曹瞞殄滅、破虜潛消、一統歸劉氏、四方烽火息、偃征旗、萬姓歡騰樂盛時、合前節節高君侯有指揮、鎖宮闈、訪賢欲往襄陽去、隆中位號臥龍諸葛氏、孔明名亮、真經濟、胸中謀略驚神鬼、傳言珍重二夫人、常時休

把憂愁繫前腔劉封與二糜守閨闈待送齊酒食和
糧米方辭去趙子龍孫乾輩由他小館錦雲封自歸
內閣觀神器又不是洞門深鎖碧窓寒到做了梨花
院落重重閉尾聲方岳子作晨門吏親命難教頃刻
離從此隔斷紅塵兩處飛

舌戰羣儒

新水令東南悠聚德星光東南悠聚德星光不辭遙
敬瞻文象俄忘鳩性拙悞入錦人行禮貌疎狂希引
進升函文步步嬌梁父吟為先生倡悠樂天真養高
名四遠揚猷猷躬耕管樂相倣龍旣出南陽如何不

慰蒼生望折桂令你旣出言詞便下機擒我想三顧
茅廬恩德難忘你道咱難得荆襄則是難得荆襄他
同宗劉表不忍相傷我這裏易取如同反掌恨劉琮
暗裡投降致曹瞞得肆猖狂劉豫州江夏屯兵這良
圖豈爾等參詳江兒水國蠹曹丞相心懷久不良當
今惟有他南向玄德無君曾相抗近來反恁無家傍
敵愾何期消長公可席捲中原大業扶劉重王鴈兒
落我隨着奮瀣池文鳳凰那愁他鷹鷂長緊隨着得
雨龍那愁那吞蛇象呀你說道是他強我弱不相當
不記得他博望不思量他滑水殃烏江能勇的身先

喪張良、扶着那能怯的成帝王、（僥倖令）檄書期會獵、
詞句暗機藏、起百萬雄師千員將、直欲捲荆襄、攘四
方、收江南、呀、再添百萬有何傷、咱隨身有智囊、試看我
奮武鷹揚志、可惜這生靈、掉甚麼唇鎗、全不差怒顏、
勸主願投降、園林好、不通經詞、違典章、不據理出言、
泛常、你作說客、略不謙讓、惟佞舌、學蘇張、沽美酒、古
賢臣、輔聖王、古賢臣、輔聖王、經百世、譽猶香、稷契皋
陶、干與逢、讀何書、君欽君讓、通何經、民懷民仰、你呵、
口荒意荒、心忙手忙、呀、看我做拒曹的人望、（尾聲）吳
侯坐候、君談講、何故久坐、春風笑語香、容頃刻重邀

過小堂

黃鶴樓宴

泣顏回漢室白雲仍我胸中常有數萬甲兵曾把黃
巾平定虎牢關豈不知名雲長顯能萬軍中送了顏
良命斬蔡陽文丑諸英不是路你休僥倖將他剝衣
散髮檢分明我計方成擒人坐席非英猛假手于人
諱此名青鋒勁霎時座上捐生命喪形滅影喪形滅
影舞秋風你何不向滄波中戲萍何不向天潢上自
逞何不去點額文衡何不去鼓鬣丹井何不向禹門
引領何不向桃浪噴腥學祖就鴻門宴遁跡潛形莫

學那酈食其、將臺前去就人烹、尾聲酒魔不為深盃
醒、如厮重來酒數行、愛聽江南鼓吹聲、

玄德合沓

惜奴嬌 玉洞春濃、正梔爐香爇、玉盞高溶、今夕何夕
喜王孫著意乘龍、匆匆花燭交輝、遙相送、看前後人
呼擁、合兩意同、好一似梧桐竹徑、綵鸞丹鳳、前腔吾
兄虎踞江東、更修文武備、贊翊王封、當今瞻仰、幸妾
家三世英風、明公為國為民聲華重、入廊廟、真梁棟
合前鬪寶蟾、渠儂帝室華宗、自向時接見、允慙吾衷
兼葭倚玉、好加珍重、英雄似山間乍出熊、池中未化

龍合捧金鍾直飲到月上梅梢臉暈桃紅前腔沖沖

浩氣填胸直待掃清四海拱逐羣雄那時節方顯美

材良用難容曹瞞計未窮劉張業已隆合前錦衣香

夫秀鍾乾綱永婦秀鍾坤維重天然此對良姻龍孫

虎種資身自有祿千鍾尋香粉蝶共戲花叢似瑤琴

韻美寶瑟聲同把桃夭誦歌聲沸湧百年諧老一朝

新寵漿水令昔慇懃能施臥龍歷辛勞得成大功觀

他體度有祖仁風喜祿已爵上公吾家累代建侯封

也直得南面稱孤中外稱臣合真鸞鳳豈鴈鴻雲龍

風虎喜相從銀臺上銀臺上花燭影紅花燭下花燭

風虎喜相從銀臺上銀臺上花燭影紅花燭下花燭

下笑口歡容（尾聲）珠圍翠繞續紛從池酒山銷沸鼎
鍾事涉侯門便不同